

四
元
記

上

四元記

四元記

古本戲曲叢刊五集

據北京大學藏清
康熙刊本景印原
書版匡高一九三
毫米寬一二二毫
米

四元記

猶龍子曰亡其身而身存後其



身而身先以亡爲存以後爲先
者皆猶童子之家法猶龍子真
千古占便宜人也千古好打乖

人也惜乎其道彰彰無人再能
踵其故轍豈不爲世所痛哉此
小萊子詞四元郎記不覺於歎
八斗而醉二參擊唾壺而歌嗚嗚
之時之所由興也夫宋之仁者

常人也邨農也市井也以常人
之情推之鮮不有置富貴二字
于胷中以成患得患失之交橫
所以湧于進而不知退者比比
獨宋之仁則不然之仁之涉世

也見機之仁之處身也謹約之
仁之遇富貴也不求進之仁之
遭榮寵也急於退實有得乎猶
龍子亡身身存後身身先之三
昧且之仁以廉作孝其子再玉

以孝承廉畏顯名而名愈隨卸
榮寵而寵愈切天地爲之作合
鬼神爲之曲成既免高明之瞰
又無斗沫之豐即爲之仁千古
占便宜人亦可千古好打乘人

亦可反復因緣無非偕此以發
猶龍子亡身身存後身身先之
大道耳不羞洩渤輕付棗梨吾
願天下人無拙焉耳無愚焉耳

燕客退拙子自題



四元記上卷

一名小萊子

目錄

開場

鄉薦

慶春

別試

監門

奸叙

閨絮


間親

寺觀

湖嘯

報訊

捷苦



重訂

謁相

卽真

收教

投寺

繪圖

四元記卷上

一名小萊子

第壹齣

開場

水調歌頭末莫作悲秋賦。休驚漏盡鐘。一年桃李未
知幾日笑春風。何苦千般營運。更想十分盈足。到底
總皆空。眼前興與廢。石火照人紅。閑時坐。閑時臥。
恁聰聰。長帆順水。切宜按舵。緊收蓬。得意常追失意。
失計還如得計。勿教成敗擾胸中。萬事杯兒好。歌聲
落酒觥。

沁園春末再玉才郎方雲俠女姪紫媽紅爲連科首
薦東床早訂不依權貴走如風粧易翠裙囊開秘錦
暫寄皇姑信怎通呈詩句相公憤恨緝捕難容奇
逢寺裏匆匆男女喬分兩地同再拆緘面四方奔走
蒼頭會解賺得雍雍賣卜成都遨遊名勝巨手經綸
羨阿翁一書生會元重中萬古久誰踪

宋之仁不貪名利

王安石酷聯翁脣

兩俠女一榜同登

小萊子四元及第

第貳齣

鄉薦

東鍾

仙望遠行。生披髮青袍上藍田快種。洗眼時人盡恐。
呂傳粉伊誰絆馬青絲接踵。換賦空囊未許揮毫貴紙。
驚鴻我還生怕。怕如堵目光遙送。

海棠春。蛾眉不似鬚眉好。同鬚眉許多妖姣。豈是
強矜驕。南國佳人少。未惹殘香。羞回秘玉且自閑
情。媚媚。浪暖看桃花。春意流芳草。小生姓宋名再
玉。表字含瑜。洛陽人也。父親宋之仁。耕讀自娛不

干名利。母親趙院君。卦坎繩家。和丸課子。小生今年。纔得一十三歲。僅成童子之雕蟲。畧竊得些剩簡殘篇。未到古人之糟粕。正喜椿萱並茂。家庭菽水承歡。豈期乍試秋闈。竟爾連場得意。茲屈大宋熙寧之歲。制科放榜之期。我的三戰頗雄。不卜一名可附。無奈我家老父多心。恐我孩提放縱。反成憾憾之隱憂。不欲匆匆之奮發。咳。爹媽呵爹媽。你孩兒既有了這等天賦的才華。自有那一等天生

的造化。何必爲我耽辛也。道尤未了。爹媽早到。

似娘兒。末老旦扮父母。小生扮管家。雜扮梅香。仝上。
末有子不爲窮耕與讀。清冷家風。老旦他才高藝
廣志攀龍。令隨行逐隊。效顰學步。氣吐霓虹。

生爹媽拜揖。末老我兒今日如何起得恁早。生今
當揭曉之期。孩兒未免有點妄想。不覺起得太早
了些。末我那兒。這個念頭。你就差了。聖人云。三十
而立。古人云。四十始仕。你今纔得一十三歲。嘴邊